

اوسات عثمرومیه کبری

هفته‌لق سیاسی ، ادبی ، علمی غزته‌در

جلد : ۳

سنه : ۲ ۴ جاذی‌الاول ۱۳۳۶ جمعه‌ایرتی ۱۶ شباط ۱۹۱۸ نومرو ۲۴ — ۵۵

ایمرومیه کبری

— مابعد —

عباسیلر بغدادده نصل عجملیورلرسه ، عثمانیلرده استانبولده اولیه روملاشیورلر .
بوراده‌کی ذوات کرامک قسم اعظمی (روملاشمق) کله‌سناک معناسنی ؛ کندیلرینی بیلدکهری کوندن
بری بیلرلر . وسوزمی پک‌طبعی وحق بولورلر . مقصدی بیکانه‌ره افهام ایچون برقاچ کله‌ایله ایضاح
مرام ایدیم :

(روم ترکی) هم جغرافیائی هم اتنوغرافیک برتعبیردر : بخارا ترکی ، سمرقند ترکی ، آذربایجان
ترکی کی . یزانس ایمپراطورلغک حوزه حکومتنده برزمان بولمیش اولان یزلر و بویورلرک سکنه‌نی
دیمک . بوراده تمام ایران مقابلیدر : سلجوقیان ایران ؛ سلجوقیان روم کی .
(روم ایلی) ده بویله‌در . چونکه ترکلرک ایجاد ایتمش اولدیغی بوتعبیر ایله محدود و معین یزلرده
روم عنصری اقلیتی تشکیل ایدر . موره شبه جزیره‌سی هان سراپا روملرله مسکون‌ایکن (روم ایلی)
نامنی آلامشدی .

(رومی) صفتی هر صنف و مسلکدن بالعموم بیوکرمز ، کال افتخار و ممنویته قبول ایتشلردر .
جلال‌الدین رومی ، اشرف رومی کی اعظم اولیاء الله بوکله ایله تلقب واشتیار ایتدیلر . ابن کاله
(علامه روم) ، (محقق روم) دینیر .

(ترک) عرقک اک بیوک پادشاهی ، شبه یوقدرکه ، سلطان سلیمان قانونیدر . هم بو پادشاه ،

« خزان »

— محترم فیلسوفن رضا توفیق بکه —

یازدن ایراق اولدق خزان ایریشدی
ویرانه‌یه دوندی طاغیر اووالر
بلبل کوچ ایلدی کلر دکیشدی
بیجه آرام ایتسون دل شیدالر



بهار کونشک نوری قراردی
کلشنده ایصسزلق آفاقی صاردی
ورم برقیز کی صولدی صاراردی
یار ایله کزدیکم یشیل صحرالر



چندن آهولر یورده چکیلدی
زکسله سنبلک بونی بوکیلدی
لاله لرك قانی یره دوکیلدی
پریشان حال اولدی کل رعنالر



بایقوش صداسیله دولدی کوهسار
بلبلک یرنده قارغه نغمه کار
خزانیده اولمش کوردم نازلی یار
مکدر باقیشلی چشم شهلاالر

ای حسنه مغرور سنده صولارسک
 بهار عمریکی برکون آراسک
 اوپاموق سینه که طاشلر صارارسک
 زده سلیمانلر : زده دارالر

۸ — تشرین ثانی — ۳۳۳

یشار شادی

عشق بی ظفر

یورغون .. دکلرنده کزردم خیالک ؛
 مائی وایحه برقاییغم واردی ، مست آب
 تولدن کشاده یالکنی بربرک ماهتاب ،
 محمول ایدی نجوم زریله لیالک .



روئالریله عشق تر و بی زوالک
 مجهول برجزیره مینایه پرشتاب ،
 تنویر ایدردی راهمی ماه المنتقاب ،
 سرمست ایدم شراب تریله ملالک .



انجم ردای لیلی سرمه رکن دکزلره ،